



Број/Број: 03-/4-50-1-10-29-15/10  
Сарајево/Сарајево: 18. 1. 2010. године

## ZAPISNIK

### 29. sjednice Zajedničke komisije za evropske integracije Parlamentarne skupštine BiH

Sjednica je održana 18. 1. 2010. godine, s početkom u 13 sati.

Sjednici su prisustvovali članovi Komisije: Halid Genjac, predsjedavajući, Ivo Miro Jović, prvi zamjenik predsjedavajućeg, Drago Ljubičić, drugi zamjenik predsjedavajućeg, Alma Čolo, Šemsudin Mehmedović, Zoran Koprivica, Hilmo Neimarlija, Božo Ljubić i Selim Bešlagić.

Milica Marković, Branko Dokić i Azra Hadžiahmetović opravdali su odsustvo.

U ime Vijeća ministara BiH sjednici je prisustvovao Fadil Fatić, zamjenik direktora Agencije za statistiku BiH. Sjednici su prisustvovali i predstavnici Misije OSCE-a u BiH, kao i predstavnici medija.

Sjednici su prisustvovala Vlatka Dangubić, sekretar Komisije, i Vladana Lučić, stručni saradnik u Komisiji.

Komisija je jednoglasno usvojila sljedeći

## DNEVNI RED

1. Usvajanje Zapisnika 28. sjednice Komisije;
2. Razmatranje Prijedloga zakona o izmjeni Zakona o klasifikaciji djelatnosti u BiH radi davanja mišljenja o principima predloženog zakona u skladu s članom 101. stav (2) Poslovnika Predstavničkog doma PSBiH i članom 95. stav (2) Poslovnika Doma naroda PSBiH;
3. Tekuća pitanja.

## **Ad. 1. Usvajanje Zapisnika 14. sjednice Komisije**

Nakon što je jednoglasno usvojen dnevni red, prisutni članovi jednoglasno su usvojili Zapisnik 28. sjednice Komisije.

## **Ad. 2. Razmatranje Prijedloga zakona o izmjeni Zakona o klasifikaciji djelatnosti u BiH radi davanja mišljenja o principima predloženog zakona u skladu s članom 101. stav (2) Poslovnika Predstavničkog doma PSBiH i članom 95. stav (2) Poslovnika Doma naroda PSBiH**

Predsjedavajući Zajedničke komisije Halid Genjac je u uvodnim napomenama upoznao članove Komisije s Prijedlogom zakona o izmjeni Zakona o klasifikaciji djelatnosti u Bosni i Hercegovini.

Fadil Fatić, zamjenik direktora Agencije za statistiku BiH, obrazložio je razloge za donošenje Zakona koji je zasnovan na novoj svjetskoj klasifikaciji djelatnosti Ujedinjenih naroda ISIC Rev.4 iz 2006.godine, te postojećoj evropskoj klasifikaciji djelatnosti NACE - Rev. 2. Pravna osnova je Uredba Komisije (EU) br. 1893/2006, od 20.11.2006., o statističkoj klasifikaciji privrednih djelatnosti u Evropskoj uniji NACE Rev.2.

S obzirom na to da se radi o preuzetom evropskom standardu, svaka promjena klasifikacije NACE povlači za sobom i promjenu klasifikacije djelatnosti u BiH, tako da je neophodno usklađivanje predmetnog zakona s navedenim propisima.

Nova standardna klasifikacija djelatnosti NACE-Rev. 2. primjenjuje se u zemljama EU od početka 2008. godine i isti standard mora se početi primjenjivati u BiH radi osiguranja uporedivosti i kompatibilnosti statističkih podataka koji će se proizvoditi od 2010. godine.

Nakon razmatranja navedenog prijedloga zakona, Komisija je dala sljedeće

### **MIŠLJENJE o Prijedlogu zakona o izmjeni Zakona o klasifikaciji djelatnosti u Bosni i Hercegovini**

Vijeće ministara BiH je, 21.12.2010., Predstavničkom domu Parlamentarne skupštine BiH dostavilo Prijedlog zakona o izmjeni Zakona o klasifikaciji djelatnosti u Bosni i Hercegovini (u daljnjem tekstu: Prijedlog zakona) za razmatranje po skraćenom postupku.

Predstvanički dom Parlamentarne skupštine BiH je na 69. sjednici, održanoj 30.12.2010., usvojio zahtjev predlagača za razmatranje Prijedloga zakona o izmjeni Zakona o

klasifikaciji djelatnosti u Bosni i Hercegovini po skraćenom postupku, i kao nadležnu za Prijedlog zakona odredio Zajedničku komisiju za evropske integracije.

Komisija je konstatala da je, u skladu s odredbama člana 98. stav (2), dostavljeno mišljenje Direkcije za evropske integracije BiH, u kojem je istaknuto da se Prijedlogom zakona uređuje razrada klasifikacije djelatnosti na dodatne nivoe, što je nadležnost Agencije za statistiku BiH da, u saradnji s entitetskim zavodima, određuje hijerarhijsku kategoriju grupiranja klasifikacije djelatnosti privrednih i drugih subjekata, te da „vezano za stepen usklađenosti odredbi Prijedloga zakona s komunitarnim pravom, Direkcija za evropske integracije BiH konstatira da konkretne odredbe u Prijedlogu zakona nisu predmet reguliranja zakonodavstva Evropske unije na način koji zahtijeva usklađivanje“.

Zajednička komisija za evropske integracije je na 29. sjednici, održanoj 18.1.2010., u prisustvu predlagača i u svojstvu nadležne komisije, razmatrala Prijedlog zakona u prvoj komisijskoj fazi i nakon provedene opće rasprave jednoglasno:

- a) prihvatila principe Prijedloga zakona,
- b) ponuđeni tekst Prijedloga zakona uputila u daljnju zakonodavnu proceduru.

### **Ad. 3. Tekuća pitanja**

Ivo Miro Jović istakao je potrebu da se članovi Komisije angažiraju u rješavanju problematike u oblasti sigurnosti hrane kao osnovnog preduslova izvoznih aktivnosti, ali i puštanja hrane u unutrašnji promet zemlje s ciljem osiguranja maksimalnog nivoa zaštite zdravlja i života potrošača, i predložio da predstavnici Komisije posjete Agenciju za sigurnost hrane BiH. Zajednička komisija za evropske integracije jednoglasno je usvojila sljedeći zaključak:

Članovi kolegija Zajedničke komisije za evropske integracije osigurati će uslove za posjetu Agenciji za sigurnost hrane BiH u prvoj dekadi februara tekuće godine o čemu će obavijestiti i ostale komisije Parlamentarne skupštine BiH koje su zainteresirane za ovu problematiku.

Sjednica je završena u 14 sati.

Predsjedavajući  
Zajedničke komisije  
Halid Genjac

